

精選中外時務文編

精選中外時務文編卷二十八

善舉

善舉

古者縣家孤獨謂之窮民文王發政施仁必先四者周禮睦姻任卹當日必有規制法度釐然井然足以傳之後世者而惜乎書缺有間也中國生齒日繁生機日感或平民失業或乞丐行兇或游手逍遙或流民滋事近歲設有棲流所施醫局養老院育嬰堂諸善舉然大抵經理不善款項不充致各省窮民仍多無所歸者小則偷竊拐騙大則結黨橫行攫市上之金錢劫途中之行旅揆其所自實迫飢寒亟宜設法擴充官紳合力令世家貴於富戶殷商酌量捐貲廣為收恤城市鄉落編立善堂所有款項遵委本地公正廉勤之紳士實心經理酌定章程多置田產藉供饘粥廣葺厦屋俾免風霜所有無告窮民各教以一工一藝庶身有所寄貧有所資弱者無須乞食市廛强者不致身罹法網少年強壯之夫則官為賞給督令墾荒國家可增賦稅所謂一舉而數善備者此也泰西各國以兼愛為教故皆有恤窮院工作場養病院訓盲啞院育嬰堂善堂之多不勝枚舉或設自國家或出自善士常有達官富紳獨捐貲數十萬以創一善事而其思慮之周密規制之嚴明有非今日各省善堂所及者即以養病院言之屋宇寬廣且潔淨無塵病人到院就醫醫院飲食之需悉出諸醫院醫生不憚煩勞役人不避穢惡曲加體恤以愈為期育嬰堂以美國紐約為最善房屋百餘間男女自初生以至七八歲常有數百人多或至三千人每樓十六榻二榻相並一卧嬰兒一卧乳媪衣服精潔男女四五歲即使識字讀書教作小玩物以開其智慧六歲至八歲女師教以歌詩針和血氣俟及歲時量材處事每歲經費約二十六萬元半出公家半出善士

俄國育嬰堂撫養之道揣摩體恤無微不至常有富貴之家患家中自養不善出資相助兼以自託者義學堂則貧家童子自五歲至十三歲皆須入塾兼習工商之事不學則罪其父母曠學則其師督責之至再至三仍或不悛則拘諸改過學堂使之省過更有富人自製一船招致貧民供其衣食設監督之人令其學習水師限兩年技成分派兵船充當水手英之養老院倫敦都城凡一千三百七十所居男婦之老而無告者月抽其鄉租為經費日給三飯晨給一饅首一茶一牛脂一粥午加肉晚加羹血氣衰者醫士謂宜酒則酒之男外服黑呢內服白布女服雜色衣裙無異充裕之家每禮拜一易敝則改造寢所寬舒男女異處夫婦偕則共一室婦女來哀老者令縫紉而貨之界以十之一有不願居於內者飯時乃集有僅投一宿予一飯者則別為一所國主時一臨視或遣子女代查以昭慎重老儒會則讀書寒士慮其就食為恥繼食繼肉遣人致諸其居綉花會則世家婦女家婦女家道中落賸聚之深遠堂室供給飲饌使之紡紡而貨之禁男子則得擅入童藝院創於瑞典繼於丹馬後德國亦效之每年兩次令地方查明無業子弟選其聰慧者教以雕刻訂書等淺近之藝限六禮拜學成考驗有效集貨以獎其師而薦其徒於各工廠俾謀衣食又有保良會由婦女積金創設凡有女子之飄流失所淪入下賤者設法保護之或稍貨以贖之瘋人院或因半年踏蹬一意貪癡以致痰迷心竅入院之後投其所好以破其迷如欲貴則奉以冠裳欲富則聚以金寶或擇園林以優游之置釣弋以消遣之積久生悟其病自除每年院中或數十人或十數人時有出入頗著成效訓啞院及訓聾瞽院遵此疾者能令其識字知書就其所能教以工藝補天有術施惠有方用心亦良苦矣法國京畿內善會五區一名施醫院一為濟貧所一為養老所一為育嬰堂一為瘋癲院所用上下執役人等六七千名每年所需經費約一百萬磅其費四分之三由善士

捐助其一分則由工部局撥給司其事者皆平日篤行好善之教士充之美國有勸世會善學會撫孤會戒烟會養老會恤瘋會化罪會防惡會勸和會恤貧會勸農會虞後會經費或籌諸國帑或捐諸民間莫不經緯詳明實心經理有保險公司凡水火盜賊房屋寶物無不可保人之死生壽夭亦可出資以保之德國則有專保百工之險者保險之法凡七日抽工銀數釐廠主各助數釐國家貼官帑若干積成巨款如遇百工或老或弱或疾病或受傷即將保險之資撥賠養贍在工人以平日之浪費略如搏節幸而此身無恙即可周濟同人不幸自罹災厄則一身既殘喘嗟寡孀亦免饑寒利己利人莫善於此而水火盜賊諸險可由此而推矣夫泰西各國乞丐盜賊之所以少者豈舉國皆富民無貧民哉好善者多而立法審密所以養之者無不盡所以恤之者無不周耳跡其意美法良實有中國古人之遺意今中國各省或未及舉行或辦理不善堂堂大國窮民塞途黑索赭衣為海外遠人所竊笑抑獨何哉或曰如款項無所出而不然也夫中國各鎮埠每歲迎神賽會歛費輒至萬千舉國若狂動輒肇事何如有此無益之耗費以教養貧民乎佞佛齊僧布施或傾家業奸僧淫賭徒為禍媒何如留此有用之財以收恤覺獨乎前得賢有司實心實政提倡其間後得好善之紳商任怨任勞經理其事則上有好者下必甚焉人之好善誰不如我風行草偃頌美恩明不二十年而善堂遍比於寰區窮民絕迹於道路矣為政之要首在得人獨奈何畏難苟安自私自利竟疾視斯民之流離死亡而漠然無所動也

善堂

天下有窮民焉老而無妻曰鰥老而無夫曰寡老而無子曰獨幼而無父曰孤文王發政施仁必先斯四者此外蠶醫廢疾癡騷瘵之民待食於人不能自養天地之大猶有所憾非惟中國為然也通古今達

內外一而已矣是王運之始也聖功之終也古帝王之所繇為天地立心所生民立命者也自睦嫻任卹之典廢而貧窮乏絕之患多直省間有善堂而杯水車薪迄何以濟措施無具董勸無方三古遺規漸減盡矣彼泰西諸國之善舉法良意美規制精詳有必應仿而行之者厥有八事一曰施醫院院中男女異室衣食飲食藥餌皆備更圖圖畫器玩以娛樂之病愈之時昇送別室調理安善乃聽其歸中堂羅列諸治諸方備學醫者之考察每院醫人數百病者數千經費充盈捐諸紳富一曰育嬰堂男女自初生至七八歲皆可留養每房十六榻二榻相並一為乳媪一為嬰兒衣食起居無不精潔及四五歲即使識字讀書教以技能由粗而精漸開智慮既冠後量才授事皆能自贍身家其費半出民捐半提官款總管司事體恤周詳多有富室嬰孩亦託堂中教養者一曰義學堂貧民子弟自五歲以上皆令入塾讀書並習工商之事棄而不學者罪其父母或有贖則其師嚴督之至再至三必改而後已更有富人自製練船招致貧民學習駕駛設立監督期限二年分派商船充當水手一曰養老院英國京城計千有三百所分處男婦之窮老而無告者衣履完善飲饌適宜或尚能工作縫紉給以器物製而售之半昇本人半充院費經費亦官民共任之國君時一臨觀以昭慎重一曰老儒會國有寒士宿儒慮其就食為恥地方官吏選粟繼肉致諸其居一曰綉花局世家婦女家道中落獨無依居以蓬室深堂課以織作紡績官為貨之男子擅入者有厲禁一曰養廢疾院房舍整潔聚聾啞癱瘓者讀書其中就其所能教以工作一曰養賢堂堂皆盲者而習工藝亦能讀書所得工資均存儲本人之用以上數者各舉大凡中國之通邑大都間存古意以云愛人如己愛國如家規制精詳一無流弊則概乎其未之有聞也宜由出使諸臣別類分門詳加繙譯然後參酌定制一律頒行牧令入之考成經費籌諸本地人之好善誰不如我上有好者下必甚

焉此 聰明睿知之聖人所以參天而贊地也

中國善舉宜仿行西法說

今天仁慈惻隱之心人皆有之見人之困苦時形必思撫恤聞人之饑寒交迫無不矜憐此賑窮恤貧所以合古今中西而一致也顧古之王畿不過千里諸侯不過百里撫養自易為功降及後世土地日闢生齒益繁貧苦之民亦愈多教養之方遂難編是等今之措施不及於古實古之情勢不同於今查古來善政莫詳於周周官太司徒保息六以養民三曰賑窮四曰恤貧但其賑窮不賴乎善堂也註謂拊救天民之窮者為賑窮蓋窮者有四老而無妻為鰥老而無夫為寡幼而無父為孤老而無子為獨皆無告之窮民也周制恒有常餼隨時賑救故曰賑窮其恤貧亦不賴乎善堂也旅師云凡用粟春頒而秋歛之註謂困時施之饒時收之是即恤貧之法蓋其時而定制凡民貧無產業由官查明稟以貸之故曰恤貧夫窮也貧也皆覺獨也文王發政施仁必先汲汲於此故雖無善堂民自無凍餒之老者也嗣是收養貧民皆設善堂如普濟政先體仁廣仁養濟留養名目不一章程亦小異大同而廣仁尤與西法相近如天津之廣仁堂在西門外太平莊屋共二百八十餘間堂中分為六所一慈幼所初收幼孩為之洗濯治病俟長養漸大撥分各所授事二蒙養擇所其聰穎者延師課讀嚴其功課評其優劣以冀有成三力田所凡幼民粗笨者於堂之左右購置地畝選老農老圃教以種植之法四工藝所藝分為四曰印書刻字織席編藤年長聽其出堂自謀衣食五敬節所婦女之青年守寡者一概收留幼女無所依靠亦準入堂長為擇配六戒烟所妥製烟之藥凡欲戒烟者由醫明重輕應重與輕分別服藥多寡此其章程之妥善亦與西法略同也今上海善堂林立城內則有普育堂果育堂清節堂育嬰堂保息局城北則有仁濟善堂棲流

公所元濟善堂其餘小堂尚難縷述所以為貧計者不可謂不厚不可謂不深而糧多之食之徒何故也博施濟眾仁聖所難也然則貧窮之民竟不能一律安插乎曰是又不然聞之泰西人云數十年前各國亦多蒙袂之輩宵小之流自創設養濟院游惰漸少禮義漸興是其法國大有可採也查各國養濟院寬敞異常地基大至數百畝司事多至數百人所較工藝男女不同男女分數等如作靴鞋理破布製木器器銅器等物為一等聰明者教以印書繪畫及織造製作之細工為一等粗魯者教以農工凡種菜種稻肥地墾地及興修水利之法為一等女工有織布者有修皮有紡線者有作繡貨縫衣袴者各視其本性之所近曲為轉移藝成後其願住院者聽否則準其出外謀生司事無需索之情貧民無拘攣之苦即毫無使倆者一入院後僅數年技藝即精是以貧民皆化為良民游民悉轉為善民此教工藝之效也其部勒又甚嚴明男居一院女居一院男院自總管以下凡教習醫生司事皆以男司其職女院除醫生外餘皆用女所用者由眾公舉不得濫用私親以防信任非人致生弊竇另有一室專稽號簿凡入院之人先至此室註明年貌籍貫然後定入某號房屋居住擇誠正人按簿逐時稽查各居各室各習各藝不得有譁謔越號等情有敢犯者嚴究不貸倘男或闖女號女或越進男院並督責教習約束不嚴之過司事稽察不密之咎是以規制嚴肅號舍整齊從無弊端也此嚴部勒之法也院中另闢一園多種花木故可知陰陽之氣消疹癘之災每日必使各人進園小步數刻年幼者更作跳舞戲打毬戲藉以舒其氣血活其筋絡所居之室或大或小或寬或窄各國規制不同要皆潔淨無比塗牆壁以使潔白裝地板以去濕潮並設吸水鎗煤氣燈燈頭在牆內牆外有螺釘以司啟閉蓋夜間熄火有一定時刻院民不能自主以防大災也地底則有總管鑪各屋壁間皆設鐵筒由輪機激放暖氣以代火爐之用夏間則開總鑪而以大

輪煥風仍由壁間鐵筒放入故同一筒也冬日則為暖氣筒夏日則為風氣筒另有浴室每七日必使浴身被褥亦七日一換室中器用甚備按日有人打掃絕少塵埃因之民無疾病此潔居室之功也男女作工皆有一定時刻晨起若何早餐後若何晚餐後若何有條不紊勤者獎勵惰者懲罰各國之法大略相同更有用紙牌以別勤惰者尤為美善其法於公事房懸一牌初至書名挂號將其姓名用十色紙刷印十張分別等第揮於牌上視其勤惰逐漸推移每月使本人進內觀其牌中名次俾知奮勉如怠惰者為黑紙乃最下之等換至白紙其人已勤而有功倘再加勸勉即獎以物或薦以事以資鼓勵是以人多觀感莫不動奮有為此別勤惰之方也且各國養濟院中別類分門條目不一而其處廢疾之法較之處廢寡孤獨亦或不同其不同有三一曰瞽瞍者廢疾之一也各國於養濟院中恒有教瞽之法亦或另設瞽目書院法用小繩一條作兩種結每種結一為字母一將節結成猶之字母拼合倘瞽者致信於人人或致信於瞽者即將繩拚成語意瞽者摩繩便知又有凸字之法教瞽讀書字皆凸出以手代目摩於紙面即知為何字又教以做竹簾席毯及織粗細之布此其處瞽之法獨異矣一曰啞各國訓啞之法二十六字母皆用手指作勢以代口傳或以石粉書於木板令其識記男女各有專師每師教誨十人多則二十人凡啞人入院稟由地方官給憑入院訓聾之法亦大略相同能使殘廢之民與平民無異足奪造化之功此其處啞之法又異矣一曰瘋西國治瘋不專賴乎藥也所妙者先寬其手足和其氣血處以美室適其心裁以花草怡其性然後良劑迭進飲食調勻其痊自易故瘋人居室較他處尤為明潔窗皆罩以鐵絲窗外栽有花草此誠體恤人情也昔歐洲諸國皆於養濟院收養瘋人近來英法德俄因瘋人日眾亦多另行購地建院此其處瘋之法又異矣我中國貧苦之民多於泰西若仿其法廣購地基多建房舍一

切教工藝嚴部勸潔居室別勤惰莫不實力盡得則數年後瘠樵必希盜竊必少不且造成周之盛也哉
泰西善舉中國能否仿行論

王者之治天下也無不愛民如子愛之云者非盡推食而食之解衣而衣之也道在貧窮並恤教養兼施
強者不陷而為非弱者不致於失業而後人民得所自可禍亂不形是善舉之宜充也明矣顧古之善舉
不外乎發政施仁今試問能發政之量曾被天下窮黎乎則必不能也能以施仁之功調恤天下貧累
乎則必不能也今所能者亦惟行善舉設善堂收養無告窮民不使盡致失所而已查善舉之盛莫如秦
西其恤幼者曰育嬰堂恤孤其救急病而懲惡習者曰施醫曰禁酒曰自新其解患難而憐殘廢者曰勸
和曰訓啞曰教墾而街市乞丐無業游民則更收之恤貧院中給以衣食使不至於飢寒教以手藝終於
得以自養其國家所設之院經費出於公項者多官紳所設之院經費出於義舉者眾要皆歲需數十萬
少亦非十萬不可誠可謂絕大善舉也今中國貧民不可以恒河沙數各省亦皆有善舉乃起視斯民託
沿門之鉢者宛爾如椶也吹市上之簫者依然不絕也甚至流為邪侈陷為盜賊習為痞棍流氓魚肉鄉
愚欺詐良懦打降而不足復濟之以折銷肱腋而已甚更加以拐騙噫豈果性之本不善哉抑貧寒交
迫無可為計不得不出下策耳是故欲禁民為非必先使民得所欲使得所則當道與富紳所宜廣籌款
項定章程以建恤貧之院而收化育之功也請先呈籌辦之法 一曰抽納商捐中國商務之大者厥有
三曰鹽引曰絲曰茶鹽銷於中國絲茶則並售於外洋其利亦頗不菲是宜每值百兩抽納一分充恤貧
院經費以鹽之銷數計歲不下數千萬是則可籌數千之費矣絲茶出口各值三千餘萬是則可籌六千
之費矣此外則輪船電報輪船每客加船脚一錢每值百兩之貨加收運費一錢電報每字加收一分推

之紡紗績布亦當照絲茶之例值百抽納一分如此辦理初不至於病商盡費銀出自商人仍可取償于買客而院中得此經費已不下數萬金積少成多亦未始無補也 一曰招勸紳富西國之善經費大半出於官紳無不慷慨樂輸其善舉嘗有擁貲千百萬臨終盡捨其財產以建恤貧養老等院者其見義勇為如此此固由于好善之誠然華人之好善豈盡不如西人乎今宜稟明大憲奏於 朝廷凡有捐銀千兩者受下賞萬兩者受中賞十萬兩者受上賞皆分別等級請 旨賞給翎頂官銜則重賞之下必有勇夫凡挾有貲財者自無不踴躍樂捐以期仰邀 寵錫並大力者廣為勸募勢必集腋成裘數十萬可以立集矣 一曰加徵烟酒今欲取無用之費以助有用之舉莫如烟酒之稅也歐洲各國凡烟酒兩項值百或抽四十或抽六十甚有值百抽百者蓋以其有害於人重徵之不為苛深抑之不為過也今中國入口烟酒如呂宋紙捲等烟皮麥葡萄等酒向皆洋人吃食初無與華人也故載在約章準其免稅迄今進口既增銷場日廣即系鄉僻壤華人亦沾染甚深仍不徵取分毫抑何待西人之厚如是乎誠使議定新章無論何項烟酒每值百抽稅五十藉充恤貧院經費則洋商亦必樂輸納即以博襄助善舉之名此亦兩得其益之道也以上三端皆籌款之要法然而既籌經費尤當要定章程以節意觀之舉凡建屋宇教工藝及各項應辦事宜皆當仿行西法何則天下事開創為難守成較易西國之章程規例大都利無弊是其初亦然費心思仿而行之則事半功倍矣試以西國章程言之以備採擇按各國所建之院宏敞高大其大逾恒院宇深之三四進樓屋高之三四層又恐人多易於致病編植花果草木藉以呼吸養氣增長精神男女所居悉居地板窗則有方格以通風日嵌玻璃俾得光明每一室皆有桌有幾有鏡有扇有暖氣筒有吸水管地底安設大輪機磨麥作麵悉于是乎是賴煤氣燈則通于牆外有

螺絲以司啟閉火之生熄皆有一定時刻院民並不能自主蓋防火患也總管以下各人又皆體卹貧寒如父兄至於子弟惟恐不潔易致病端嚴飭人役按日以勤打掃洒水以滌塵埃是以貧民皆以入院為樂甚至藝成而後有不遽願出院者則其法良意美可知此西法之宜仿者一也其嚴防內與外則又不啻行軍出陣紀律嚴明查西國風俗凡寓宴會男女皆行並坐似不遠嫌獨至卹貧院則又不然分曹列號整肅異常男則居於男院司事人等皆用男而女不得混入也女則居於女院司事人等皆用女而男不得妄窺也稽查之人日夜巡巡如有疏忽等情立治其罪院中無論男女每十二人或二十人共延一師藉資訓迪平時不許出院一步一切規制皆甚嚴明則又不啻軍營中每部皆有隊長以資教練而嚴稽查也倘總管以下有敢舞弊營私者稟明有司登諸日報終身不得齒於齊民是以人皆畏法而不敢妄為此西法之宜仿者二也凡平民入院後別類分門教以手藝而又不拘一格男則教以編蒲織履造紙刻字繪事印書製器器分數等或鋸木成形或鑄鐵為質或鎔鉛成式或范銅為模以及馬口鉄之製器水銀之造鏡有小有大有精有粗擇其聰明者教以上等之藝愚魯者教以下等之工女則教以刺綉烹調紡紗織布捲棉線縫衣袴製手巾與夫一切女工亦別其天資高下而教誨之老則並不強其所難能造器者即使造器能軋銅者即使軋銅其有血氣過衰並不令其工作此誠得恤老之意也幼則先使認字讀書並作玩物以開其心思誦詩歌以陶其性情比及歲時各量其才教以一藝有能出人頭地者總管必薦以事業是又得慈幼之方也至於強壯男女而過于笨拙者則又令作輕重粗工輕如看守棚欄修治街道挑除垃圾重則如剷除污泥開濬河浜故無論巧拙賢愚皆得成一藝以自養甚盛事也此西法之宜仿者三也其勸懲之法尤足使人生勤奮之念動愧悔之心道在將男女姓名注于清冊男則

由男總管察核女則由女總管考查其師又督責其嚴見其精勤者必以溫語褒嘉見有怠玩者必以嚴詞訓飭每屆甄別之期擇其尤為勤勉及工藝既成者薦以優事則受其栽培者一二人而資以觀感者必千百人矣若遇性情頑劣怠惰時形初犯記過再犯罰作苦工則受其懲罰者一二人而因以儆戒者必千百人矣如此區而別之斯神效屬於無形嚴責備於有象而勤者不流為惰惰者且轉為勤此西法之宜仿行者四也中國誠仿其法而行則游惰之習自稀盜賊之風自熄豈獨追美於泰西抑且堯隆於上古矣然而尤有進者恤貧之院雖設猶難博施濟眾為今之計凡足以興民業者皆當於恤貧院並行是故廣開畜牧之場民之生計自擴矣多設製造之廠民之生業愈開矣辦一礦須用數千人辦十礦即用數萬人斯貧民皆能食力計一機必多十倍貨十機設即多百倍貨斯窮民悉可聊生推廣織布紡紗民且專心於織造大興農業樹藝民將致力於田園而且起趨焉呢何一不可教民為即何一不可利民用鐘表針鈕隨在皆使民能造即隨在皆得民厚生蓋利源多開一分民計斯多裕一分久而久之天下皆將富是舉世共慶安龐恤貧之院雖多而入院者必將日少豈不懿歟豈不懿歟

泰西善舉

查中國戶口不下四百兆有奇較之百年前增三分之一而土地不加廣生計不加多非惟不多且日少焉倘則自道光年間大開海禁西人之工於牟利者接踵而來操貿易之權逐錐刀之利民間生計皆為其所奪未通商之前大布衣被蒼生業此為生者何可數計自洋布洋紗入口土布銷場遂滯紡績稀少機軸之聲幾欲斷矣帆船亦為絕大生業當其盛時北至天津牛莊南至八閩百粵凡舵工水手皆以養贍家口者尤多自輪船入華而帆船之失業日眾帆樁之影幾嘆無矣近來中國貧民之多職是之故為

今之計非仿西法以設善堂不足安流民而規久遠昔者泰西各國亦多貧民未經安插流離日眾邪僻日多自設善堂游惰漸少禮義漸興况醫院善舉也善堂亦善舉也豈醫院可仿西法而善堂獨不可以仿西法乎仿之若何曰西國善堂法良意美而其視制不外乎教工藝嚴部勒潔居室別勤惰而已曷言乎教工藝也各國養濟院寬敞異常地基數百畝司事數百人所較工藝男女不同男如做靴鞋理破布製木器銅器鐵器等物為一等聰明者教以印書繪畫製造織造之細工為一等粗愚者教以農工種茶種穀墾地肥地興修水利之法為一等女工有作綉資縫衣袴者有織布者有紡線者有修皮者各視其性之所近曲成不遺藝成願住院者聽否則准其出外謀生司事無需索貧民無拘攣即毫無伎倆者入院數年技藝漸精是以羣民化為良民皆向善也曷言乎嚴部勒也泰西例凡有宴會男女並坐不以為嫌獨養濟院則又不然如行軍然紀律嚴明部勒整肅男不得入女院女亦不得入男院男院自總管教習醫生司事皆以男司之女院除醫生男女並用外餘皆用女所用者由舉公舉不得濫用私親致生弊竇另設一室專稽號簿男女入院先至此室用量身尺細量一周註明年貌籍貫然後撥入某號房屋居住擇正人稽察各居其室各習其藝不得有譁謔闖越等情違則嚴究倘男入女院女入男院並責教習司事約束不嚴是以規模嚴肅號令整齊從無弊端也曷言乎潔居室也院中另闢一園多種花果樹木和陰陽之氣而消疹癘之災每日進園小步數刻或跳舞打毬以舒筋絡活血氣所居之室大小寬窄各國不同皆潔淨無比粉壁潔白裝板去潮並設吸水管煤氣燈燈頭在牆內牆外有螺絲釘司啟閉夜間熄火皆有定時以防意外地底設總火爐各屋皆設鉄筒輪機激放暖氣以代火爐夏間則閉總爐以大輪搗風仍由壁間鉄筒而入冬日為暖氣筒夏日為風氣筒另有浴室七日必浴被褥亦七日一換室中

器用甚備按日打掃絕少塵埃故少疾病曷言乎別勤惰也男女作工皆有定時辰起後若何早餐後若何晚餐後若何有條不紊勤者獎惰者懲有用紙牌者尤為善善法於公事房懸一牌初至者書名號用十色紙刷印分別等第掛於牌上視其勤惰逐漸推移月使本人進內觀牌中名次俾知奮勉初進時怠惰者為黑紙是乃最下換至白紙其人已勤而有功倘再加勤勉即獎以物薦以事是以人皆感化莫不勤奮有為也又有習正院幼男幼女失所無依及性成頑劣父母不能管束者皆由院收留先化其頑性次教以讀書美國習正院屋約三百間除辦公房外男院一百六十間女院八十間樓皆四層屋亦潔淨男院教者男師四十人為一班教以讀書識字習學工藝女院教者女師誨以讀書識字縫紉烹煮法每日功課有定部勤亦嚴學成後許其父母領出無父母者由總管代為薦事法至良也以上各法如中國官紳能仿而行之則凡不教之民必將漸摩而化奮勉自新豈非天下之福哉按善堂工藝所余於昔年與江浙聞廣各同志籌辦直賑義捐頗為踴躍經南中放賑善士將餘貲及核獎之款稟請傳相在天津設廣仁善堂當道復籌款協助非但義學施醫於約施棺且收養無業小童教以工藝織有簾席刻有善書出售惜規模尚未宏敞耳竊觀各省富紳積財以貽子孫不三代而盡散何妨仿設善堂收養善人立德立功名垂不朽乎余夙有是願恨無大力以為之人各有心心同此理願以質諸天下之多財而好善者

英國賑濟人數

窮民無告無國無之或因殘疾所驅或為飢寒交迫是在養民者有以保之耳英國通國窮民分為兩等一曰殘廢一曰貧困而殘疾貧困之中又分幼童成人兩種茲以歷年比較照錄於左一千八百六十年

幼童之殘廢者得一萬八千八百八十二名貧困者得十六萬七千八百八十九名成人之殘廢者得十萬有一百十四名貧困者得六十一萬四千一百十五名共得大小八十五萬一千名一千八百七十年幼童之殘廢者得三萬有三百八十九名貧困者得十六萬三千七百七名成人之殘廢者得十三萬三千九百三十五名貧困者得七十五萬有三百六十七名共得一百有七萬九千三百九十一名一千八百八十年幼童之殘廢者得二萬六千九百九十一名貧困者得九萬九千二百三十七名成人之殘廢者得十六萬二千三百十三名貧困者得五十四萬九千三百九十九名共八十三萬七千九百四十一名一千八百八十五年幼童之殘廢者得二萬三千九百有九名貧困者得七萬三千五百十八名成人之殘廢者得十六萬六千二百七十五名貧困者得五十一萬五千四百五十三名共得七十八萬四千一百五十五名一千八百八十九年幼童之殘廢者得二萬七千一百九十一名貧困者得七萬七千六百二十六名成人之殘廢者得十七萬一千名貧困者得五十三萬四千三百十五名共計得八十一萬有一百三十二名一千八百九十年幼童之殘廢者得二萬五千九百七十七名貧困者得七萬七千八百二十八名成人之殘廢者得十六萬九千一百三十一名貧困者得五十二萬六千六百六十九名共得七十八萬七千五百四十五名按泰西各善堂之宏敞橋梁道路之整齊一切經費皆撥自官庫藉以養民官紳合辦故取諸民而民無怨奉諸公而民不吝焉惟養貧院所養者非盡是鰥寡孤獨凡廢疾老幼及無告貧民丐食市廛者皆為巡捕拘入院中擇其材質所近俾學淺近手藝藝成足以自食始令出院亦有選其年幼精壯及育嬰堂之幼童令習兵船水手務使各習一藝則不至無術謀生流為餓殍英軹日記云英國富而重賢不重嗣有無子或子不肖者臨終將積產數百萬盡捨建義塾及養老濟貧等院措置載明遺

噫自謂歿世無憾詢以祀事何人則曰吾捨貲以成善舉雖千百載猶奉吾像於地龔以祀為語耶以祖父血食之新則曰吾祖父養吾一人吾以財養千萬人大孝即在是矣是以善堂林立規模宏大非獨饒寡孤獨凡有異地難民皆有以分別養之有所謂老儒會者皆讀書寒士慮其就食為耻則贈粟贈肉遣人致諸其居有所謂繡花局者世家婦女家道中落不能自贍則聚之深邃之室供給飲饌使之紡績而貨之禁男子不得擅入以遠其嫌保其貞其他施醫院不可勝計經費皆紳商所捐助不足則闢地為園或會中演戲約人往觀收其入門之費坐次之貲以資彌補有貴家婦女陳雜貨邀國主官紳往觀女子之美者當肆貨皆百倍往游者必購數事而後可出亦以其費充善舉又有富人收壯丁之資而無依者於船中供其衣食設監督令其學習水師限兩年藝成分派商船充當水手不成者再習一年仍不成則另教以熟習工商之事曠學則督責之至再至三仍不改則拘諸官監作苦工英屬向來多盜自善堂義塾日多各執所業鮮有為竄竊之行者矣近聞東洋亦無丐食市廛之流日以教養兼施為事不容國有游惰之民我中國除租界外無處不有丐食游民三五成群非強丐叫乞於市前則爛足卧病於街道朝廷不知民聞疾苦以為有養老院恤釐局育嬰堂可以野無餓殍當道以其事譏諸紳士視若無足重輕紳士又從而染指其間佔為利藪其於富紳巨室雖積產數十萬至數百萬決不肯行一善舉一朝命盡金銀不能攜帶於九原只可供子孫之揮霍耳宜其為西人所譏笑來鬼物之揶揄也

